



كوفراسي كساتوان كوروملايو ملايسيا بارات برهاد

KOPERASI KESATUAN GURU-GURU MELAYU MALAYSIA BARAT BERHAD

Bangunan KGMMB, No. 720 Jalan Sentul, 51000 Kuala Lumpur.

Tel: 03-40411723/25, 03-40453743/75 Fax: 03-40411730

**MINIT MESYUARAT AGUNG KOPERASI KGMMB BERHAD
KAWASAN MELAKA KE-15: 2025**

TARIKH : 13 April 2025
MASA : 9.30 pagi
TEMPAT : SMK Sungai Udang, Masjid Tanah, 76300, Melaka
KEHADIRAN: 180 orang anggota

TURUT HADIR:

1. Cikgu Ibrahim bin Marlan Pengerusi Koperasi KGMMB Bhd
2. Cikgu Hj. Abdullah bin Mamat Timb. Pengerusi Koperasi KGMMB Bhd
3. Cikgu Hj. Mohd Said bin Hussin Bendahari koperasi KGMMB Bhd

PENGACARA MAJLIS : Cikgu Noor Nizah binti Zakaria (33586)

Mesyuarat dimulakan dengan nyanyian lagu Negaraku, lagu negeri Melaka diikuti dengan lagu rasmi Suruhanjaya Koperasi Malaysia.

AGENDA 1: DOA;

- 1.1 Mesyuarat dimulakan dengan bacaan doa oleh Cikgu Muhammad Arif Hafizuddin agar mesyuarat ini diberkati Allah SWT.

AGENDA 2: UCAPAN PENERUSI KAWASAN;

- 2.1 Mesyuarat dimulai dengan ungkapan pantun orang Melaka "Bijak seperti Hang Tuah dan berani seperti Hang Jebat" oleh Pengerusi Kawasan Melaka Cikgu Hj. Mohd Said bin Hussin (15532) yang juga merupakan Bendahari koperasi. Beliau mengucapkan terima kasih kepada Pengerusi Majlis dan juga atas kehadiran Pengerusi Koperasi Cikgu Ibrahim bin Marlan, Timbalan Pengerusi Cikgu Hj. Abdullah bin Mamat serta semua anggota dan staf koperasi yang hadir dalam mesyuarat agung kawasan (MAK) bagi negeri Melaka kali ke-15, dalam memberi sokongan bagi menjayakan mesyuarat dan memajukan koperasi milik kita. Melaka merupakan negeri kedua yang melaksanakan MAK bagi tahun 2025.

- 2.2 Pengerusi memaklumkan kempen keanggotaan baru perlu ditingkatkan. Kempen anggota baru perlu digiatkan di seluruh sekolah di Melaka dengan galakan bayaran komisen RM30.00 untuk seorang anggota baru yang berjaya diperolehi.

AGENDA 3: UCAPAN WAKIL KOPERASI KGMMB BERHAD;

- 3.1 Pengerusi Koperasi KGMMB Berhad Cikgu Ibrahim bin Marlan mengalu-alukan kehadiran anggota Koperasi serta mengucapkan Selamat Hari Raya kepada semua yang hadir pada hari ini.
- 3.2 Pengerusi memaklumkan bahawa keuntungan koperasi pada tahun berakhir 31 Disember 2024 menunjukkan peningkatan berbanding tahun sebelumnya iaitu RM5,166,554.00 berbanding RM4,194,521.00 pada tahun 2023 iaitu meningkat sebanyak RM972,033.00 (23.17%). Pendapatan koperasi tahun ini ialah RM6,921,014.00 dan perbelanjaan sebanyak RM1,754,461.00. Koperasi dapat mengurangkan perbelanjaan sebanyak 33% daripada tahun sebelumnya.
- 3.3 Pengerusi memaklumkan sumber pendapatan lain koperasi ialah daripada Unit Pengguna RM251,993.00, Unit Pembangunan rugi RM86,802.00 dan Unit Hotel juga menunjukkan kerugian RM83,093.00 pada tahun 2024.
- 3.4 Pengerusi menyarankan bagi memastikan koperasi terus mencapai keuntungan, koperasi perlu mengukuhkan strategi perniagaan selain pembiayaan kepada anggota dalam pembiayaan peribadi, pembiayaan khas dan pembiayaan pengguna serta sewaan bangunan. Aktiviti perniagaan lain seperti;
 - 3.4.1 Merangka pembangunan hartanah di Lanchang, Pahang yang berkeluasan 6 ekar dalam dalam proses mendapatkan Kelulusan Merancang dan di Kampung Gemuruh, Terengganu berkeluasan 4 ekar dipecahkan kepada 18 lot dan untuk dijual kepada anggota.
 - 3.4.2 Pusat dialisis usahasama dengan MyAngkasa Dialisis Sdn. Bhd. yang mana koperasi memegang pelaburan 40% di Sg. Tong, Terengganu. Insyaallah dengan izin Allah pusat ini akan dapat dijalankan dalam tahun ini.
 - 3.4.3 Unit Hotel koperasi kita telah diserahkan pengurusannya kepada Syarikat DRH Group Sdn Bhd yang mempunyai kemahiran dalam bidang perhotelan.

- 3.5 Pengerusi memaklumkan rasa syukur kerana koperasi telah 5 kali tersenarai dalam 100 koperasi terbaik Malaysia. Bagi tahun 2024 koperasi berada dikedudukan ke-40 antara 100 koperasi terbaik di seluruh Malaysia.
- 3.6 Pengerusi seterusnya memaklumkan keanggotaan koperasi pada tahun berakhir 31 Disember 2024 adalah seramai 19,190 orang meningkat seramai 154 orang berbanding tahun sebelumnya iaitu 19,036 orang. Bagi memastikan Koperasi KGMMB Berhad ini kekal relevan usaha-usaha menambah keanggotaan giat dijalankan, salah satu cara ialah di mana koperasi bekerjasama dengan agen-agen insurans dan juga wakil-wakil yang dilantik dikalangan guru-guru atau orang perseorangan bagi mencapai sasaran 30,000 anggota pada tahun 2025. Koperasi menawarkan imbuhan RM30.00 dan KGMMB RM20.00 berjumlah RM50 bagi sesiapa yang berjaya membawa masuk anggota baru koperasi.
- 3.7 Pengerusi memaklumkan aktiviti utama koperasi iaitu pembiayaan di mana sebanyak RM16,520,554.35 juta kepada anggota bagi tahun 2024 pengurangan sebanyak RM416,584.54 berbanding tahun 2023 dengan pecahan RM7,030,348.45 pembiayaan pengguna, RM4,318,750.00 pembiayaan peribadi dan pembiayaan khas sebanyak RM5,161,000.00 dan insurans kenderaan sebanyak RM10,455.90.
- 3.8 Pengerusi juga memaklumkan selain giat menjalankan perniagaan koperasi juga tidak lupa menjaga kebajikan anggota di bawah TPKA sebanyak RM1,718,840.00 telah diberikan kepada anggota bagi tahun 2024. Pecahan perbelanjaan ialah melanjutkan pelajaran RM460,300.00, kecemerlangan RM226,500.00, bencana alam RM9,900.00, kematian RM171,000.00, faedah hospital RM55,340.00, faedah bersara RM709,600.00 dan Haji/Umrah RM86,200.00. Mulai tahun 2019 yuran DK dinaikkan daripada RM3.00 sebulan kepada RM6.00 dan sumbangan kematian juga ditingkatkan daripada RM10,000 kepada RM20,000 untuk kematian biasa dan RM30,000 kematian akibat kemalangan.

Dengan sokongan daripada anggota dan staf diharapkan perniagaan koperasi akan terus bertambah maju dan memohon maaf jika ada salah dan silap. Akhir kata dengan lafaz Bismillah, Pengerusi merasmikan mesyuarat Agung Kawasan kali ke-15 dengan harapan mesyuarat berjalan lancar dan dipermudahkan oleh Allah SWT.

AGENDA 4: MELANTIK SEORANG PENERUSI MESYUARAT;

- 4.1 Mesyuarat bersetuju melantik Pengerusi Kawasan Cikgu Hj. Mohd Said bin Hussin (15532) sebagai Pengerusi Mesyuarat.

Cadangan: Cikgu Muhammad Rezel bin Masah (20688)

Sokongan: Cikgu Haslina binti Hj Ashari (16513)

AGENDA 5: MELANTIK SEORANG PENCATAT MINIT;

- 5.1 Mesyuarat bersetuju melantik Pn. Izzah Izyan binti Jaafarudin staf ibu pejabat koperasi sebagai pencatat minit mesyuarat.

AGENDA 6: MENGESAHKAN MINIT MESYUARAT KAWASAN KALI KE-14 (2024);

- 6.1 Pengerusi Mesyuarat membentangkan minit Mesyuarat Agung Kawasan Melaka kali ke-14 pada 27 April 2024.

Cadangan: Cikgu Mohd Syaifulhasry bin Abd. Aziz (38179)

Sokongan: Cikgu Idayu binti Alimat (32947)

AGENDA 7: MEMBENTANGKAN LAPORAN TAHUNAN DAN DERAF AKAUN BERAKHIR 31 DISEMBER 2024;

- 7.1 Bendahari koperasi membentangkan deraf akaun berakhir 31/12/2024 dari muka surat 34 hingga muka surat 41 dengan merujuk perkara berikut;
- Muka surat 34, jumlah pelaburan lain tidak dimasukkan kerana jumlah tersebut dinyatakan pada muka surat 39.
 - Ralat pada muka surat 20, jumlah peningkatan yuran anggota sebanyak RM1,504,110.00 bukan RM1,503,110.00 seperti yang tercatat peningkatan sebanyak 0.02%.

Laporan akaun ini hanya deraf untuk pembentangan sahaja yang akan dibincangkan oleh perwakilan pada MAPT Julai 2025.

Mesyuarat bersetuju menerima laporan tahunan dan deraf akaun koperasi dari muka surat 1 hingga muka surat 41.

AGENDA 8: MEMBENTANGKAN BAJET TAHUN 2026 UNTUK DIBENTANGKAN DI DALAM MESYUARAT AGUNG PERWAKILAN TAHUNAN;

- 8.1 Bendahari membentangkan bajet tahun 2026 dari muka surat 29 hingga muka surat 33.

Bajet 2026 menyasarkan keuntungan sebanyak RM4,249,929.00 daripada pendapatan RM6,955,753.00 dan perbelanjaan sebanyak RM2,705,824.00.

Mesyuarat menerima bajet tahun 2026 dari muka surat 29 hingga muka surat 33.

AGENDA 9: CADANGAN PINDAAN KEPADA UUK;

- 9.1 – tiada –

AGENDA 10: MELANTIK ANGGOTA PERWAKILAN;

- 10.1 Pengerusi memaklumkan 5 anggota perwakilan Melaka termasuk seorang ALK sedia ada kekal sebagai perwakilan tahun ini supaya dapat menjalankan tanggungjawab yang diamanahkan dalam mesyuarat Agung Perwakilan Tahunan yang dijangka diadakan pada Julai 2025 di Wilayah Persekutuan Kuala Lumpur seperti senarai berikut;

10.1.1 Cikgu Hj. Mohd Said bin Hussin (15532)

10.1.2 Cikgu Mohd Syaifulhasry bin Abd. Aziz (38179)

10.1.3 Cikgu Noor Nizah binti Zakaria (33586)

10.1.4 Cikgu Haslina binti Hj Ashari (16513)

10.1.5 Cikgu Noor Hasriza binti Abu Bakar (37681)

AGENDA 11: MENIMBANG USUL-USUL DARI LEMBAGA DAN ANGGOTA;

11.1 USUL ALK 2025 – CADANGAN PINDAAN KEPADA UNDANG-UNDANG KECIL KOPERASI

Anggota Lembaga Koperasi membuat usul supaya perkara 60 (1), modal syer dipinda kepada berikut;

UUK yang asal;

60. (1) Menurut perenggan 50(b) Akta, setiap anggota hendaklah melanggan RM100.00 (Ringgit: Satu Ratus Sahaja) syer sebagai sumbangan minimum yang hendaklah dijelaskan dalam tempoh yang dinyatakan menurut 34 fasal
- (2). Syer minimum ini tidak boleh dikeluarkan kecuali selepas keanggotaan anggota itu tamat. (2) Tempoh menjelaskan syer minimum menurut fasal (1) adalah sebagaimana berikut: (a) (b) Yuran 61. seseorang yang turut sama di dalam permohonan pendaftaran Koperasi ini atau yang telah menandatangani minit mesyuarat agung permulaan Koperasi hendaklah menjelaskan syernya dalam tempoh tiga bulan dari tarikh perakuan pendaftaran diterima oleh Koperasi; dan seseorang yang diterima menjadi anggota menurut Undang undang Kecil 15 hendaklah menjelaskan syernya dalam tempoh tiga bulan dari tarikh penerimaannya sebagai anggota.

Cadangan pindaan; Modal Syer ditingkat kepada RM1,000.00

Rasional Meningkatkan Modal Syer Koperasi - Modal syer merupakan antara sumber kewangan utama bagi sesebuah koperasi. Peningkatan modal syer memainkan peranan yang amat penting dalam memperkukuh kedudukan kewangan koperasi serta menjamin kelangsungan operasinya dalam jangka masa panjang. Rasional utama mengapa langkah ini wajar dilaksanakan;

Pertama, peningkatan modal syer dapat meningkatkan keupayaan kewangan koperasi. Modal yang mencukupi membolehkan koperasi menjalankan operasi harian dengan lebih lancar dan melaksanakan pelbagai aktiviti perniagaan serta pelaburan yang berpotensi menjana keuntungan. Ini secara langsung menyumbang kepada pertumbuhan koperasi dari segi pendapatan dan aset.

Kedua, modal syer yang kukuh dapat mempertingkatkan daya saing koperasi di pasaran. Dengan kewangan yang lebih stabil, koperasi berupaya untuk memperluas perkhidmatan, menambah baik produk, serta meneroka peluang-peluang perniagaan baru. Contoh pertanian, perladangan (kelapa sawit). Ini penting agar koperasi dapat kekal relevan dan berdaya saing dalam persekitaran ekonomi yang semakin mencabar.

Selain itu, modal yang tinggi juga membolehkan koperasi melabur dalam projek-projek pembangunan yang berskala besar serta berimpak tinggi. Ini termasuk pembelian aset tetap, pembangunan hartanah, atau usaha sama dengan entiti lain yang dapat memberi pulangan lumayan dalam jangka panjang. Pembinaan stesen minyak juga akan meningkatkan keuntungan kepada koperasi.

Tambahan pula, peningkatan modal syer boleh memberi manfaat secara langsung kepada anggota koperasi. Keuntungan yang diperoleh hasil daripada pelaburan dan operasi koperasi berpotensi untuk dikembalikan kepada anggota dalam bentuk dividen yang lebih tinggi. Ini sekali gus menggalakkan penglibatan aktif anggota dalam koperasi.


Akhir sekali, modal syer yang kukuh mengurangkan kebergantungan koperasi kepada pembiayaan luar, terutamanya pinjaman yang mungkin mengenakan kadar faedah tinggi. Ini membantu koperasi mengurus risiko kewangan dengan lebih berkesan dan mengekalkan kestabilan kewangan jangka panjang.

AGENDA 12: MELANTIK AHLI JAWATANKUASA KAWASAN;

12.1 Pengerusi Mesyuarat memaklumkan AJK Kawasan Melaka terdiri daripada 5 orang perwakilan yang sedia ada.

Mesyuarat ditangguhkan pada jam 11.00 pagi dan disudahi dengan ucapan Selamat Hari Raya kepada semua anggota Koperasi yang hadir oleh Pengerusi.

Minit dicatat oleh :



(Izzah Izyan binti Jaafarudin)
Eksekutif Pentadbiran

Minit disemak oleh :



(Cikgu Hj. Mohd Said bin Hussin)
Pengerusi Kawasan